



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

306. Kurfürst Joachim II. bekennt, mit seiner Gemahlin Hedwig zugleich
die ganze versprochene Mitgift erhalten zu haben, am 9. September 1535.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

stolica tenore presentium de specialis dono gratie dispensamus, prolem ex huiusmodi Matrimonio suscipiendam legitimam nuntiando. Nulli ergo omnino hominum liceat hanc paginam nostre dispensationis et nuntiationis infringere, vel ei ausu temerario contraire. Si quis autem hoc attemptare presumpserit, indignationem Omnipotentis Dei ac Beatorum Petri et Pauli Apostolorum eius se noverit incursum. Datum Rome apud Sanctum Marcum, Anno Incarnationis Dominice millesimo quingentesimo trigesimo quinto, Quarto Idus Junii, Pontificatus nostri Anno primo.

Nach Degiel, Cod. Pol. I, 424.

306. Kurfürst Joachim II. bekennt, mit seiner Gemahlin Hedwig zugleich die ganze versprochene Mitgift erhalten zu haben, am 9. September 1535.

Joachimus, Dei Gratia Marchio Brandenburgensis, Sacri Romani Imperii Archicamerarius, Princeps Elector, Stetinensis, Pomeranie, Cassuborum et Sclavorum etc. Dux, Burgravius Nurembergensis et Rugie Princeps. Etsi ita convenerat inter Serenissimum Principem et Dominum, Dominum Sigismundum, Dei Gratia Regem Polonie, Magnum Ducem Lituanie, Russie, totius Prussie Masovieque etc. Dominum et Heredem, Dominum Socerum et Parentem nostrum charissimum observandissimumque et Nos, ut Dotis nomine triginta duo aureorum Hungaricorum millia, boni auri, et iusti ponderis certis quibusdam temporibus Nobis numerarentur, quemadmodum in Literis Contractus fufius est explicatum, tamen cum ipsi Cracoviam venissemus, ut ibi ex Pacto Matrimonium contraheremus, Serenissimus Rex, Socer et Parens noster observandissimus, maturius etiam, atque deberet, Nobis prestitit et quam se constitutis temporibus pecuniam Dotis nomine Nobis daturum sponderat, eam Cracovie Nobis representavit, atque universam Dotem triginta duo millia aureorum Hungaricalium, Nobis etiam tum Cracovie existentibus numerari fecit: quin etiam, que est paterna quedam illius erga Nos benevolentia, ea omnia quecunque Illustrissime Filie illius, Uxori nostre charissime, aut Dotis, aut ornamentorum, aut paraphernalium, totiusque suppellectilis nomine, a prefato Serenissimo Rege Sigismundo debebantur, liberaliter Nobis dari et assignari curavit, ut non solum satisfecisse spei nostre et expectationi de se, verum etiam superasse eam videatur. Id quod Nos pro mutua nostra erga illius Maiestatem observantia libenter fatemur, atque adeo profitemur et pre Nobis ferimus, atque his Literis nostris manu nostra subscriptis, Maiestatem eius quietamus cavemusque neminem amplius nostro nomine et Uxoris nostre charissime, neque Dotis, neque ornamentorum, paraphernalium vel totius suppellectilis nomine, aut loco quidquam

petituros. Atque ut huic nostre cautioni tanto plus fidei habeatur, non solum manu nostra subscribendam, sed et signo nostro eam esse duximus confirmandam, atque id Syngraphe huic nostre curavimus appendendum. Datum in Civitate Regia Cracoviensi postridie Nativitatis Marie Virginis, que fuit dies nona Septembris, Anno Domini millesimo quingentesimo trigesimo quinto.

Joachimus, Kurfürst.

Nach Dogiel, Cod. Pol. I. 429.

307. Kurfürst Joachim II. verschreibt seiner Gemahlin ihr Leibgedinge auf die Graffschaft Muppin, am 9. September 1535.

Nos Joachimus, Dei Gratia Marchio Brandenburgensis, Sacri Romani Imperii Archicamerarius ac Princeps Elector, Stetinensis, Pomeranie, Cassuborum, Vandalorumque Dux, Burgravius Norimbergensis ac Rugie Princeps, Recognoscimus et notum facimus presentibus nostris patentibus Literis pro Nobis, nostris Heredibus et Successoribus coram universis et singulis has Literas visuris, lecturis aut legi auditis. Quandoquidem cum Serenissimo ac Illustrissimo Principe ac Domino, Domino Sigismundo, eadem Gratia Rege Polonie, M. Duce Lituanie, Russie, totius Prussie, Masovie, Samogitie Domino et Herede, Socero et Patre nostro observandissimo, affinitatem contraximus et Illustrissimam Dominam Hedvigim, prefati Serenissimi Regis Filiam Nobis desponsatam et legitime copulatam in Matrimonium duximus, et eius R. Maieft. Dotem triginta duorum millium floren. Hungaric. in auro puri auri et iusti ponderis nominavit et solvere promisit, sicut in Literis Connubialibus per nostros Oratores et Legatos desuper confectis et sigillatis expressius et fufius continetur, in Dotis huiusmodi compensationem obligavimus Nos vicissim prefate nostre suavissime ac dilectissime Coniugi sexaginta quatuor millia similium aureorum Hungaricalium, boni auri et iusti ponderis, Donationem propter Nuptias, corporis provisionem, vulgo Leibgedinge constituturos, ac de tanta summa cautionem sufficientem facturos promissimus, ita ut usum fructum, sive annuos redditus, de quibuslibet quindecim aureis Hungaricalibus unum aureum Hungaricum boni auri et iusti ponderis, quotannis annui redditus loco sublevare ac percipere possit, sicut in Contractu Matrimoniali et Literis desuper confectis clarissime exprimitur. Quapropter pro compensatione supradicte Dotis triginta duorum millium aureorum Hungaricalium, boni auri et iusti ponderis Nobis constitute, Illustrissime Domine Hedvigi, Coniugi nostre charissime indicamus, inscribimus, assignamus et addicimus sexaginta quatuor millia aureorum Hungaricalium boni auri et